

## Art. 7 Organs

Ils organs dalla pleiv ein:

- a) la radunonza da pleiv
- b) la supraponza da pleiv
- c) ils revisurs da quen

## Art. 8 Elegibladad

<sup>1</sup> Scadina persuna cul dretg da votar ei elegibla en uffecis ni cumissiuns dalla pleiv.

<sup>2</sup> Ensemen astgan buca seser ella supraponza da pleiv u en ina cumissiun dalla pleiv: conjugals, bab e fegl, frars e schiender. Quei vala era per dunnas.

<sup>3</sup> In commember d'ina autoritad da pleiv u dalla radunonza da pleiv sto prender stgisa tier tractandas e votaziuns sur fatgs che pertuccan el direct persunalmein. Buca seser astgan medemamein ses parents tochen tier il grad da parantella sco menziunau egl art. 8.<sup>2</sup>. Schebein raschuns da recusaziun existan, decida l'autoritad en absenza dils interessai.

## Art. 9 Perioda d'uffeci

<sup>1</sup> Il cuoz d'uffeci dils organs dalla pleiv munta a treis onns.

<sup>2</sup> L'elecziun dil president da pleiv croda igl onn suenter l'elecziun dils ulteriurs commembers.

## Art. 10 Organ da publicaziun

Igl organ da publicaziun dalla pleiv ei il Fegl uffical dalla regiun surselva.

## Art. 11 Competenzas finanzialas dalla supraponza da pleiv

<sup>1</sup> Competenza davart expensas unicas entochen 10'000.00 frs.

<sup>2</sup> Competenza davart expensas che serepetan entochen 3'000.00 frs.

## Art. 12 Competenzas finanzialas dils ugaus-baselgia s. Martin e s. Clau

<sup>1</sup> Competenza davart expensas unicas entochen 2'000.00 frs.

<sup>2</sup> Competenza davart expensas che serepetan entochen 300.00 frs.

## III. Radunonza da pleiv

### Art. 13 Cumpetenzas

<sup>1</sup> La radunonza da pleiv ei igl organ suprem. Ella cumpeggia ils commembers cul dretg da votar.

<sup>2</sup> La radunonza da pleiv ha oravontu suandonts duers e dretgs:

- a) elecziun dil plevon enterfer las prescripziuns ecclesiasticas
- b) elecziun dil president, dil cassier, digl ugau s. Martin, digl ugau s. Clau e da treis ulteriurs commembers (scadin uffical ei reelegibels), elecziun da dus revisurs da quen
- c) revisiun dalla constituiziun da pleiv
- d) fixar il pei da taglia per igl onn precedent
- e) approbaziun dil quen annual
- f) fixar ils salaris per la supraponza.

### Art. 14 Proposiziuns da votants

<sup>1</sup> Mintga parochian ha il dretg da far proposiziuns alla radunonza da pleiv, priu ch'ellas crodien ella cumpetenzas da quella. Quei vala era per tractandas buca publicadas sin la gliesta da tractandas. Vegn ina tala proposta acceptada dalla radunonza generala, ha la supraponza d'examinar quella e dar rapport en ina dallas proximas radunonzas. In'exceptiun ei lubida mo cun riguard a fatschentas urgentas, e quei entras decisiun d'ina majoritad da duas tierzas dils votants.

<sup>2</sup> A caschun d'ina radunonza da pleiv sa scadina persuna cul dretg da votar pretender dalla supraponza da pleiv in'informaziun davart fatschentas pendentas u arisguardar la deliberaziun da talas, aschilunsch che quellas ein buca suttamesas al secret d'uffeci.

<sup>3</sup> Scadin commember dalla pleiv ha il dretg d'inoltrar alla supraponza da pleiv en scret ina petiziun en fuorma da propostas, giavischs e reclamaziuns cun aschuntar la motivaziun necessari. La supraponza da pleiv ha da tractar talas petiziuns sil pli tard enterfer treis meins dil mument ch'ellas vegnan deponidas. En cass urgentas ha ella da prender posiziun senza retard.

<sup>4</sup> Mintga parochian ha il dretg da suttammer a caschun d'ina radunonza da pleiv ina moziun en fuorma da propostas che pertuccan buca la gliesta da tractandas. Vegn ina tala acceptada, ha la supraponza da pleiv da presentar rapport e proposta a caschun dalla proxima radunonza da pleiv.

<sup>5</sup> 40 persunas cul dretg da votar en pleiv san inoltrar ina iniziativa en fuorma da propostas a scret e pretender ch'ei vegni votau surlunder. Exceptidas da quei dretg ein decisiuns che la supraponza da pleiv ha priu sin fundament da sia cumpetenzas.